

Stori blanga San hubin gowei brom im Dedi

Wandei Jisas bin dalim olabat dijan stori blanga dubala san
Wal det yangeswan San bin askim im Dedi, "Yu gibit mi na main mani bifo yu dai"

Afta tharran det yangeswan San bin tok miselp, Ai garram loda mani, Ai garra ranwei langa det
longweiwan Kantri wulijim Ai garra abum gudbala taim

En imin meigim loda fren en deibin album im *weistimbat* ola mani blanga im.
Wen imin binijmap im mani ola fren mob bin libum im. Bamba na, imbin lafta wek langa fam. en
imbin tok miselp 'mi brabli hanggri, Ai garra lafta dagat dislot daga blanga ola bigi-bigi'.

"Mi brabli siliwan, Ai garra gobek langa main dedi kemp en Ai garra dalim olabat mi brabli sori."
Lagijat na det yangeswan San bin tok.

Imin tok "Mi brabli sori Dedi"

Wal det Dediwan bin tok, "Yumob go kwikbala na en meigim redi det padi dumaji main San bin
kambek na." En det Dediwan bin go kwikbala en grebum im San hubin ranawei

Margaret Mickan en Esther bin raidim en tjekoba dijan mijamet.